




ԵԿԵՂԵՑԱԿԱՆ ԲԵՄ. ԼՈՒՐԵՐ

Մարտի 3-ին, ուրբաթ.—Այսօր, ժամը 13.30-ին, հոգևոր գեմարանի հանդիսությունների դահլիճում դասախոսում է «Էջմիածին» ամսագրի խմբագիր և հոգևոր գեմարանի դասախոս Արթուր Հատիսյանը, որը Մայր Աթոռի միաբաններին և գեմարանի ուսանողությանն է ներկայացնում սույն թվականի հունվարի 29-ից փետրվարի 9-ը Վեհափառ Հայրապետի՝ դեպի Իրաք կատարած հովվապետական ուղևորության տպավորությունները:

Հարգելի բանախոսի գրույցը բաղկանում էր երեք մասերից. պատմական Միջագետքը (Ասորեստան և Բաբելոն), Իրաքի հայ համայնքը (ծագումն ու պատմությունը) և Իրաքն այսօր՝ իր ազգային-պատմական վերագարթոնքի ճանապարհին:

Զրույցի ավարտին բանախոսը պատասխանում է ներկաներից ոմանց հարցերին:

Նույն օրը, երեկոյան ժամը 19-ին, Երևանի հայրապետական վիլայում, Վեհափառ Հայրապետի նախագահությամբ, տեղի է ունենում Գերագույն հոգևոր խորհրդի հերթական նիստը:

Մարտի 5-ին, կիրակի.—Ե կիրակի բառասնորդական պահոց (Դատաւորին):

Այսօր Մայր տաճարում ս. պատարագ է մատուցում տ. Անանիա վրդ. Արաքայանը: «Հայր մեր»-ից սուաջ քարոզում է տ. Մոմիկ վրդ. Սարգսյանը՝ «Ոչ եթէ անիրաւ ինչ է Աստուած՝ մոռանալ զգործս ձեր և զսէրն զոր ցուցէք յանուն նորա» (Եբր. 2, 10) քննարանով:

Մարտի 8-ին, չորեքշաբթի.—Այսօր Մայր Աթոռում, Վեհափառ Հայրապետի նախագահությամբ, գումարվում է միաբանական բնդյալմամբ հավաքույթ, որին մասնակցում են նաև ներքին թեմերի թեմակալ սուաջնորդներն ու հոգևոր հովիվները և ս. Գևորգ վանքի միաբանությունը:

Առավոտյան ժամը 9-ին Մայր տաճարում, Վեհափառ Հայրապետի հանդիսադրությամբ, կատարվում է Արևազալի ժամերգություն, ուր քարոզում է Մայր Աթոռի միաբան տ. Մասիս վրդ. Գալստյանը՝ «Լուսովր թո, Քրիստոս ամենեքեան լուսաորեցար, և ի սուրբ խաչ թո, Փրկիչ, հաւատացեալքս ապաիկեցար» (Արևազալի մաղթանք) քննարանով:

Նույն օրը, ժամը 13-ին, հոգևոր գեմարանի հանդիսությունների դահլիճում գումարվում է միաբանական հավաքույթի Ա.

նիստը, որի ժամանակ հոգևոր ճամարանի դասախոս և «Էջմիածին» ամսագրի խմբագրության քարտուղար տ. Անանիա վրդ. Արաքաջյանը կարդում է «Եզնիկ Կողբացին ընդդեմ հնագույն փիլիսոփաների և քրիստոնեական հերետիկոսների» թեմայով իր դասախոսությունը:

Համախոսությունից հետո, ժամը 15-ին, Մայր Աթոռի վանական սեղանատանը տրվում է ճաշկերույթ:

Երեկոյան ժամը 20.30-ին Վեհարանում գումարվում է միաբանական հավաքույթի Բ նիստը՝ նախագահությամբ Վեհափառ Հայրապետի, որը ներկաներին պատմում է վերջերս Իրաք և Ֆրանսիա կատարած իր հովվապետական ուղևորության տպավորությունների մասին՝ միաժամանակ վեր հանելով այն մեծ դերը, որ այսօր ունի հայ հոգևորականը մանավանդ ափյուրքի մեջ նաև հայապահպանման դժվարին գործում:

Նիստի վերջում Վեհարանի հանդիսության մեծ դահլիճում ժողովի մասնակիցները դիտում են «Վեհափառ Հայրապետը Հոռմում» (1970 թ.) և «Մյուռնոսթինություն» (1976 թ.) ֆիլմերը:

Մարտի 9-ին, հինգշաբթի.—Այսօր, երեկոյան ժամը 18-ին, Մայր տաճարում, Վեհափառ Հայրապետի հանդիսարությանը, կատարվում է Խաղաղական ժամերգության կարգը: Ավետարանի ընթերցումից առաջ քարոզում է Ռուսաստանի և Նոր Նախիջևանի հայոց թեմի առաջնորդական տեղապահ տ. Տիրան վրդ. Կյուրեղյանը՝ «Օրհնեսցուք զՏեր յամենայն ժամ, յամենայն ժամ, օրհնութիւն նորա ի բերան մեր» (Մաղոն) բնաբանով:

Ժամերգությունից հետո եկեղեցական թափորն առաջնորդվում է Վեհարան, ուր բոլոր միաբաններն աջահամբույրով հրաժեշտ են առնում Վեհափառ Հայրապետից ու մեկնում իրենց պաշտոնատեղիները:

Մարտի 11-ին, շաբաթ.—Տօն սրբունի Գրիգորի Լուսավորչին մերոյ սուկալի չարչարանացն և մտին ի Վիրապն:

Այսօր Մայր տաճարում, Իջման ա. սեղանի առաջ, պատարագ է մատուցում տ. Հովհաննես ավագ քին. Մարությանը:

Մարտի 12-ին, կիրակի.—Զ կիրակի քառանորդական պահոց (Գալստեան):

Այսօր Մայր տաճարում ա. պատարագ է մատուցում տ. Մասիս վրդ. Գալստյանը: «Հայր մեր»-ից առաջ քարոզում է Վեհափառ Հայրապետը ա. Գրիգոր Լուսավորչի կյանքի և առաքելական գործունեության մասին՝ «Մերոյ լուսավորութեան լուսաւոր վերակացու» (Մ. Խորենացու Պատմությունից վերցրած) բնաբանով:

Մարտի 15-ին, չորեքշաբթի.—Այսօր, երեկոյան ժամը 20.30-ին, Վեհարանում տեղի է ունենում միաբանական հերթական հավաքույթ, որի ընթացքում Վեհափառ Հայրապետը Մայր Աթոռի միաբանությանը ծանոթացնում է վերջերս ֆրանսերեն լեզվով հրատարակված «Նոր աղանդներ» գրքին (հեղինակ՝ Ալյան Վուրթոն): Այս տեղի է ունենում մտքերի փոխանակություն՝ վերջին ժամանակներս եկեղեցու ծոցում հանդես եկած աղանդավորական շարժումների մասին:

Մարտի 17-ին, ուրբաթ.—Այսօր, երեկոյան ժամը 19-ին, Վեհարանում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստը:

Սույն նիստին հրավիրվել էր Մայր Աթոռի ֆինանսական բաժնի վարիչ Գառնիկ Քեհայանը, որը հանգամանորեն զեկուցում է 1977 թվականի Մայր Աթոռի բյուջեի կատարողականի և 1978 թվականի նոր բյուջեի նախահաշվի մասին:

Գերագույն հոգևոր խորհուրդը հանգամանորեն զբաղվում է 1977 թվականի Մայր Աթոռի բյուջեի կատարողականի և 1978 թվականի նոր բյուջեի նախահաշվի քննությամբ:

Գերագույն հոգևոր խորհուրդը, հաստատելով Մայր Աթոռի բյուջեի կատարողականն ու նոր նախահաշիվը, իր գնահատանքն է արձանագրում Մայր Աթոռի գլխավոր հաշվապահ Գառնիկ Քեհայանի բարեխիղճ և աթոռանվեր աշխատանքի մասին:

Գերագույն հոգևոր խորհրդի սույն նիստին հրավիրվել էր նաև Մայր Աթոռի գլխավոր ճարտարապետ Արծրուն Գալիկյանը, որը ներկայացնում է Մայր Աթոռի 1978 թվականի շինարարական աշխատանքների ծրագրերը, որոնք կատարվելու են Մայր Աթոռում, Երևանի ա. Սարգիս եկեղեցում, ա. Գեղարդ վանքում և Խորվիրապում:

Գերագույն հոգևոր խորհուրդը հաստատում է 1978 թվականի Մայր Աթոռի շինարարական ծրագիրը և իր գոհունակությունն արձանագրում ճարտարապետ Արծրուն Գալիկյանի ազնիվ և բարեխիղճ աշխատանքի համար:

Այնուհետև ընթերցվում է Գերագույն հոգևոր խորհրդին առընթեր Մայր Աթոռի Վերստուգիչ հանձնաժողովի գեկուցագիրը (նախագահ՝ Եփրեմ Ալեքսանյան)՝ Մայր Աթոռի ֆինանսական, շինարարական աշխատանքների մասին:

Գերագույն հոգևոր խորհուրդն այս անգամ ևս արձանագրելով իր գոհունակությունը Վերստուգիչ հանձնաժողովի կատարած ազնիվ և օգտակար աշխատանքների համար՝ հաստատում է գեկուցագրի մի շարք թելադրությունները և հրահանգում ֆինանսական և շինարարական բաժինների վարիչներին՝ նկատի առնել դրանք այս սարվա իրենց ընթացիկ գործնական աշխատանքներում:

Մարտի 19-ին, կիրակի.—Ծաղկազարդ.

Այսօր Մայր տաճարում ս. պատարագ է մատուցում տ. Արսեն եպ. Բերբերյանը և «Հայր մեր»-ից առաջ բարոգում «Այսօր գուարնացան տիեզերք գալստեամբ Աստուածորդայն լերուսաղէմ և գոշէին հընչմամբ երգով, օրհնեալ եկեալ անուամբ Տեսուն» (Ծաղկազարդի շարական) բնաբանով:

Ս. պատարագին ներկա էր Վեհափառ Հայրապետը:

Նույն օրը, երեկոյան ժամը 17.30-ին, Մայր տաճարում տեղի է ունենում Դորնբացերի արարողությունը՝ տ. Արսեն եպ. Բերբերյանի գլխավորությամբ:

Մարտի 23-ին, հինգշաբթի.—Առաջ հինգշաբթի.

Այսօր, առավոտյան, Մայր տաճարում ս. պատարագ է մատուցում տ. Մոմիկ վրդ. Ասրգալյանը:

Ս. պատարագին ներկա էր Վեհափառ Հայրապետը:

Նույն օրը, երեկոյան ժամը 17-ին, Մայր տաճարում Վեհափառ Հայրապետը կատարում է Ոսնկվայի կարգը:

Ոսնկվայից հետո, ժամը 19.30-ին, սկսվում է մեր Տիրոջ՝ Հիսուս Քրիստոսի Սուկայի չարչարանաց և Խաչելության հիշատակին նվիրված Ավագ ուրբաթի արարողությունը: «Փառք ի քարծուհւս»-ից հետո բարոգում է Վեհափառ Հայրապետը՝ «Գիշեր խաւարման, գիշեր լացի» բնաբանով:

Մարտի 24-ին, ուրբաթ.—Առաջ ուրբաթ.

Այսօր, երեկոյան ժամը 16-ին, Մայր տաճարում կատարվում է թաղման կարգը և ապա Թափոր թաղմանն՝ հանդիսադրությամբ Վեհափառ Հայրապետի, Մայր տաճարի շուրջ եռադարձ թափորով:

Մարտի 25-ին, շաբաթ.—Առաջ շաբաթ. Ծրագալոյց Չատիկ:

Այսօր, երեկոյան, Մայր տաճարում Ծրագալոյցի պատարագ է մատուցում տ. Հուսիկ եպ. Սանթրոյանը:

Ս. պատարագին ներկա էր Վեհափառ Հայրապետը:

Ս. պատարագից առաջ հոգևոր ճննարանի սաներն ընթերցում են Դանիելի գիրքը: Հավարտ պատարագի Մայր Աթոռի միաբանությունը Վեհաբանում շնորհավորում է Նորին Սրբությանը Չատիկի նախատնակի առթիվ:

Երեկոյան ժամը 20-ին Մայր Աթոռի միաբանական սեղանատանը տեղի է ունենում նավակատիքի ավանդական ընթրիք:

Մարտի 27-ին, երկուշաբթի.—Յիշատակ մեռելոց.

Այսօր Մայր տաճարում ս. պատարագ է մատուցում տ. Նշան քնն. Բեյկերյանը:

Ս. պատարագի ավարտին կատարվում է հոգեհանգստյան պաշտոն՝ «վասն համօրէն ննջեցեցոց»:

